



03261

石鐘山志卷十六

石鐘山鐘王韻



芷江李成謀

龍輯

益陽丁義方

桐城方宗誠

較訂

善化胡傳釗

藝文

國朝古今體詩

鐘山雜咏二十三首

石鐘洞

彭玉麟

石鐘山志

卷十六

詩錄

一

懸崖幽僻洞容窺曲屈彎環路路通百折猶龍鱗甲紫
千年老蝠羽毛紅天工巧劈湖山勝鬼斧潛鏤玉壁空
頂上丹房無恙在不知何代住仙翁

石鐘山

怪石玲空枕大江噲咄鏗鞳浪淙淙千秋名士文章老
百戰河山寇壘降上下松篁籠夕照高低樓閣敞疏牕
彭湖風月今猶昔夜夜漁謳發釣艘

石鐘山聳玉瓏璫鏗鞳聲來窳窳風三面翠巒開梵宇

一湖碧練鎖瓊宮樓腰樹老藤蘿紫峯頂池清菡萏紅

月館露臺花木盛忠祠萬古荷褒崇

昭忠祠

祀典褒崇廟貌尊將軍千載受君恩潄濤怒吼含鼉憤
蠡水悲鳴弔虎賁滿地斜陽流戰血一天朗月照忠魂
國殤終竟多吾楚博得丹心萬古存

報慈禪林

爲報慈恩建佛場層樓飛閣儘輝皇叅堂僧散鐘魚寂
掃院風來鐵馬忙識得英雄真面目始知菩薩有心腸
前楹祀終南鍾進
士於樓中楹祀佛

石鐘山志

卷十六 詩錄

二

坡仙樓

勝蹟畱傳玉局仙石鐘山記勒山巔崖懸千尺藤蘿月
樓鎖三秋荻葦天潦淨寒潭舟泛泛煙迷危磴草芊芊
紅欄杆外青松小待得成龍尙有年

浣香別墅

別業千秋據浣香入門濃翠滴幽篁閑雲野鶴隨來往
墨客騷人任主張樹小花欹撐怪石亭疏院敞補迴廊
欄杆十二良宵永月影偷移過粉牆

聽濤眺雨軒

傾盆雨霽墨雲開
滾滾濤聲腳下來
落日西沈飛鳥沒
大江東去浪花催
盤藤秋老蜨黃葉
疊石陰森蝕綠苔
搔首長空無限意
軒楹愁倚獨銜杯

芸芍齋

繞院長廊面面通
烏聲晴滑碎春風
游蜂逐蝶忙清晝
曉露黏雲溼翠空
芳草情綿書帶綠
好花香膩錦囊紅
一痕光透窗虛白
青粉牆高月正東

飛捷樓

金陵掃穴斬蛟螭
露布星飛帶月馳
百戰江湖雷舊壘

石鐘山志

卷十六

詩錄

三

一城煙火看新炊
男兒須有封侯願
騷客偏多弔古悲
獨倚岑樓憑眺處
夕陽紅照草離離

更上層

更上層樓別有天
半弓精舍耐盤旋
如蚶屋似蝸居穴
放燕人聽鳥弄絃
笑語有聲飛樹杪
登臨無際倚崖顛
休嫌一角紅樓小
能吸鄱湖萬頃煙

且閒亭

沿階幔壁繡藤蘿
曲徑旁通幽趣多
竹裊綠煙封洞口
蘭含清露隱山阿
小池波皺風三面
亂石崖圍月一窩

安得鐵肩拋擔去到來常此醉顏酡

六十本梅花寄舫

嵌成鵝卵徑欹斜陸地舟藏別有家
流水小橋溶夜月浮欄曲榭繞梅花
拓開怪石坡三折釀透寒香月一窠
客去茶煙青未了隔江帆影逐飛鴉

鎮江亭

一亭高峙豁雙眸橫鎖西江未許流
萬頃波瀾收水口千年磐石鎮山頭
東南關鍵憑天塹開闢樞機勦戰舟
最是干戈初定後更宜籌策鞏金甌

石鐘山志

卷十六

詩錄

四

一覽亭

一覽亭空四望寬江湖襟帶枕驚湍
風帆來往看朝暮雲水流行聽暑寒
彭蠡曉煙迷石磴匡廬晴翠撲雕欄
巍然獨峙崖千丈過客登臨快峻觀

掬月亭晚眺

半枕雲根半倚牆萬竿冷翠滴簷管
紫藤綠網千年石烏桕紅燒九月霜
砌下蛭長喉弄笛池中龜老背生芒
我來小坐消岑寂一卷黃庭對夕陽

方丈客堂談禪

烹茶煮茗話斜暉四面窗開待燕歸風月無邊空色相
湖山如此好皈依鳶飛魚躍叅禪理天淡雲閑悟息機
底事老僧最辛苦利心熱透道心微

禪林漫興

禪心不許亂絲琴花木幽深靜室薰借榻人來雙屐月
挂單僧卸一肩雲鼠能聽講甘枵腹龜耐支床願損文
殘夜佛鐙青半點塵囂初淨曉鐘聞

迎薰館小住

結茆爲屋竹支床不羨平泉李相莊花落棋閒畱客屐

石鐘山志

卷十六

詩錄

五

月明江靜響漁榔衣襟爽裊羣峯翠枕簟涼生古木蒼
莫把安居忘劫火邱墟滿眼歎滄桑

大佛殿雨霽聽晚課

紺園終日雨垂檐齋罷閣黎霽色黏寶炷篆雲僧供養
金容滿月佛莊嚴鐘魚聲澗蒼煙迥釋梵音清落照織
殿鎖秋陰新浣碧一山頑石燦銀蟾

紫雲廊感懷

桃花零落雨紛紛愁緒琴如縠皺紋草野瘡痍非自取
朝廷宵旰情誰分宅荒陶令悽黃菊亭圯梁公悵白

雲底事夜深彈老淚哀鴻聲慘不堪聞骨
人遊石鐘山倚石口占

鐘山石骨聳崎嶇烽火頻經性未枯
兀宜叅無我相
琢磨好借廬吾徒獨行直道真君子
不學因人小丈夫
歷盡滄桑銷浩劫鐘聲能似舊時無
綰緝園書感

風臺月榭路逶迤怪石嶙峋景陸離
一瓣心香堪佞佛
十年孤憤欲吞夷濤鳴不盡英雄恨
雲護無邊大士慈
江海奔波空浪跡時艱何補愧深滋

石鐘山志

卷十六 詩錄

六

寄舫梅花雜咏彙錄一百首

題繁不俱載

彭玉麟

仙風吹種出蓬壺生就鐘山六十株
不許紅塵侵玉骨
冰魂一縷倩春扶

獨抱孤芳冰雪姿千紅萬紫漫相欺
百花亦任爭嬌媚
除卻幽蘭品盡卑
大地陽和淑氣催春光獨占百花魁
師雄信有因緣在
得入羅浮夢裡來

梅花窗下露冰肌姑射天然出世姿
仙骨珊珊清絕俗

一生孤潔少人知
園丁報到梅開處
東閣窗前帶月看
領得春風無限意
一株斜倚玉闌干
藐姑仙子真清豔
香雪肌膚瘦玉身
願嫁春風誰作主
全憑青女是冰人
美人骨傲鐵爲心
對雪宜橫膝上琴
最是一生奇絕處
高山流水寄情深
曾入羅浮夢裏來
瓊林瑤樹四圍栽
春於花事真憐惜
能蘊幽香不忍開

石鐘山志

卷十六 詩錄

七

知己一生惟有雪
香清豔冷自相親
羣芳未許爭風韻
世外佳人迥出塵

玉瘦香寒總是春
壽陽額點曉妝新
窗前底事相思切
傳粉何郎實可人

含苞釀萼自清娛
一見春風玉骨酥
寄語東君憑作主
傾心爲獻雪肌膚

阿誰能博孤山愛
妻得梅花便是仙
儂幸幾生修到此

藤床相共玉妃眠

前身許我是林逋
輪與梅花作丈夫
莫笑花容太消瘦

仙人風骨本清臞
英雄氣概美人風
鐵骨冰心有孰同
守素耐寒知己少
一生惟與雪交融
玉是精神膚是雪
珠含乳蕊粉含胎
春風暗度無人識
博得冰顏笑口開
仙子凌波妙絕倫
一枝偃仰玉橫陳
分明釀透春消息
不是羅浮夢裏身
紙帳低垂來少女
微風蕩漾倍春生
吟魂夜夜依香雪
竹榻同眠夢亦清

石鐘山志

卷十六

詩錄

八

春雪初融液玉漿
仙梅吐萼倍芬芳
幾回步月來林下
細吮花英齒舌香

藐姑仙本住瓊樓
謫落紅塵又幾秋
任歷冰霜操不改
一腔幽怨爲春愁

何事孤山來俗子
任情攀折嫩枝條
浪蕊浮香零落甚
春風無那可憐宵

風引寒香到小園
游蜂恣意鬧聲喧
其如良夜消魂處

煙鎖窗紗月色昏

妬花風雨太無情
忍把嬌姿受逆橫
粉瘦瓊寒無奈甚

一腔幽怨可憐生

驟雨掀天澈骨寒玉顏憔悴倚闌干扶持賴有春風力
畱得華容月下看

我幸梅花死復生天教仙骨向春榮返魂自有幽香在
未許狂飈撼落英

自是梅花劫運消芳顏不爲歲寒凋天公也解憐香意
畱與春風發翠條

本是瑤臺侍宴姬龍華會上捧瓊卮自從王母西歸去
流落人間有孰知

石鐘山志

卷十六

詩錄

九

瓊玉妃居玉照堂誰能惜玉更憐香等閒不是司花使
肯把金鈴錦幄張

不染鉛華眞國色生成素豔雪同清芳心一點愁如許
蘊釀春風無限情

分得瓊枝出上林冰英雪蕊結同心窗紗月冷黃昏後
一種幽香最耐吟

一生知己是梅花魂夢相依萼綠華別有閒情壺客思
水窗煙月影橫斜

春風幾度閒披拂細吐幽香沁骨清我是西湖林處士

梅花應喚作卿卿

山中風味有誰諳倚梅花睡正酣底事翠禽啼不住

驚殘香夢到江南春回轉轉倚天胡蝶飛具自帶關隴

自從一別衡陽後無限離情系雪香羌笛年年吹塞上

滯人暹夢到瀟湘湘煙楚霧入魂又幾寄情對園林

故園消息誰通問玉瘦香寒兩不知驛使未歸江路遠

教人何處寄相思

天寒歲暮客魂消夢繞西湖第六橋我似梅花梅似我

一般孤僻共無聊

石鐘山志

卷十六

詩錄

十

蘭賓竹友皆零落惟有寒梅是主人冰雪心腸塵不染

自然澹雅得天真

綺窗別後思依依盼斷江南驛使歸月落參橫清夢短

香魂頻逐玉鱗飛

一江風雪夜漫漫臘鼓驚人歲又殘寄語故園老梅樹

著花仔細度天寒

風雨空山頻落寞春回陽轉待天時梅花具有清剛氣

不怕江城玉笛吹

瓊花只合種瑤臺流落茆簷忍誤栽廿四番風甘寂寞

年年芳盞帶愁開

苦雨寒風已歷過而今天氣轉陽和梅花散得清愁去

玉面光生春色多

冰清玉潔雪生香不愛繁華只素妝俏立凌波嬌不語

珠簾半捲月昏黃

相看別樣有丰神縞素衣裳淡著身絕世不教塵俗染

玉壺一片蘊天真

仙風吹下許飛瓊玉珮珠璫映月明淡極轉增花態麗

六銖衣漾素綃輕

石鐘山志

卷十六 詩錄

十一

天教梅雪鬪春陽梅自精神雪自香春爲雪梅勤點綴

玉添肌潤粉成妝

絕世佳人競素妍飄飄疑是蕊珠仙紗窗靜掩黃昏月

一種幽情劇可憐

羅浮仙子絕緇塵皎潔姿容太素身我是師雄誰識得

一天明月證前因

天涯何處最愁吾夢繞孤山第一株萬里凍雲天欲雪

相思頻寄向西湖

而今物換更星移春繫南枝又北枝人隔故園天萬里

梅花也應有相思
玉顏消瘦骨清癯
腸斷江南別夢孤
欲寄春君何處是
阿兄贏得有誰呼
生平最薄封侯願
願與梅花過一生
安得玉人心似鐵
始終不負歲寒盟
翦翦春風底事忙
爲裁雲錦製仙裳
冰肌自有清芬在
不倩薰籠蒸寶香
天教寒梅品獨仙
玉容得雪更清妍
綃裙縞袂眞飄逸
別有風姿出俗塵

石鐘山志

卷十六

詩錄

五

十年前事憶江東
酣夢羅浮酒肆中
難得美人舒醉靨
春風醞釀笑顏紅

勻罷曉妝飛粉豔
素心檀口靜含情
窗前細把龍涎吐
襲入詩腸沁骨清

橫斜疎影月籠烟
遮莫春風儘放顛
憨撩人情脈脈
幾番搖曳玉花鈿

春在江南興不孤
綺窗合抱有梅株
年年花蕊垂垂發
雪壓瓊枝綴玉珠

巡簷索笑小窗開
靜對春風啟玉腮
底事吟魂消欲盡

幾回香撲入懷來

緜塵不染玉生光出浴梅妃靚澹妝記得吟香亭子上
美人輕著苧蘿裳

遊徧山隈又水隈篷窗月下意徘徊清風徐動嫋嫋影
暗送幽香入鼻來

風情占盡小園隈春報枝頭萼半開花正含苞人不識
我先飽看豔光來

紫雲輦御玉眞妃交頸鴛鴦列隊飛西母瑤池開壽宴
酒華濃濺五銖衣

石鐘山志

卷十六

詩錄

三

林下酣眠月色西滿身香雪夢魂迷幽人自是多清福
修得梅花嫁作妻

我家小院梅花樹歲歲相看雪蕊鮮頻向小窗供苦讀
此情難忘廿年前

梅添月影樹成雙亂寫幽情上綠窗賴有玉人來解渴
愁魔不用酒兵降

風雪侵肌最耐寒素娥原不怯衣單春風何日催暹棹
相對頻將秀色餐

最愛多情小梅樹頻舒檀口笑春風幽香醉我濃於酒

對月金尊酌任空春自開來正一絲氣氣正南榮
十年征戰走天涯莽莽乾坤何處家底事戈船消夜永
高燒紅燭詠梅花
芳草江南綠又齊落紅滿地意淒迷宵來一種梅花夢
斷送聲聲翠羽啼
人間何處覓瓊漿六代江山盡戰場何日將軍能止渴
梅黃時節更思鄉
昨夜枕上竟回家稚子懽迎笑語譁記得幽窗明月下
一枝短笛擲梅花

石鐘山志

卷十六 詩錄

古

鐵硯香生萬古春梅花消息寫來真書生自笑輕狂甚
頻把松煤畫美人
梅花著手便成春畫裏空空日喚頻活色生香嬌欲語
亭亭倩影是離魂
錦繡江南實可哀六朝金粉盡成灰何如我有生花筆
寫出神仙眷屬來
相思遠寄故鄉難雁到衡陽歲已殘慰語梅花休悵望
主人江上幸平安
九疑仙子謫塵凡春信開來玉一緘歲歲江南勞驛使

故園日日望歸帆

一枝消息江南寄 奇語梅花仔細開 地凍天寒須耐守

好留清豔待春回

芳苞蘊釀玉 氤氳涵養深 滋暖氣 熏曾記 春風消息好

首先花信寄青君

閒情未許蝶蜂撩 別有風神逸態嬌 釀得梅花春意足

小山凸凹雪初消

雪融芳蕊玉 瓏鬆馨口香 含春意 濃恰似美人初睡起

十分情懶太疎慵

石鐘山志

卷十六

詩錄

五

一天斜月壓簷欹 疎影交橫玉樹枝 曲徑小廊窗半掩 暗香頻送好風吹

攜鋤移向灞橋來 兀坐難忘月下栽 今日花開東閣裏

野風朔雪不相摧

日暖風和小院晴 玉梅花放最怡情 忽然天地心全失

濁霧濃烟障不明

女子小人花亦如 一般難養費工夫 移來官閣供幽賞

著意栽培轉欲枯

草木如人亦改常 梅花倏易舊時妝 藐姑墮入紅塵劫

失却當年冰雪腸
問花底事昧平生
白污栽氣不平知
否首陽甘餓者
伯夷原是聖之清

江天萬里月華流
回首綺窗動客愁
一樹老梅添怪相

卅年塵夢醒衡州
孤負孤山處士多
堪嘆梅花自蝕傷
玉人不復舊時妝
一簾冷澹黃昏月

消盡羅浮夢裏香
石鐘山志

卷十六 詩錄 六

品最孤高性最酸
藏來金屋護持難
生非錦繡叢中物
只耐空山野鶴看

數點曾稱天地心
古香古色耐沈吟
緣何結子偏酸甚
姑射由來妬最深

苦雨酸風日逼來
冰心自壞舊時胎
儘教淪落山籬下
剩蕊殘英冷澹開

盛極衰生理最真
梅花開透自沈淪
東皇雖盡扶持力
欲不飄零也不能

風流逸俊憶何郎
故態難忘舊日狂
傅粉祇今成往事

落英滿地冷斜陽

落梅風起足魂消惱亂心情感寂寥回首舊時春夢醒

一江冷月透征袍

無端風雨自相侵深負逋仙愛惜心始信美人眞命薄
終隨桃李共飄零

一聲玉笛落梅花惆悵西湖處士家留得枯枝培植好

春來猶可發新芽

春能起死更回生誰道東皇甚不情爲語藐姑須著意
莫教自蝕舊靈根

石鐘山志

卷十六

詩錄

七

一枝斜靚綠便娟嫩篠新篁劇可憐不必孤山三百樹
也堪避世學逋仙

歸去亭壁醉寫梅花題句

彭玉麟

羅浮仙子染緇塵謫落人間有夙因我是西湖林處士
一輪明月是前身

狂將粉壁潑松煤醉墨縱橫寫老梅昨夜月明風露冷
引他千載鶴歸來

一池清淺影橫斜借作孤山處士家分付新來雙鶴子

天寒爲我守梅花

時李少荃中丞
送來海鶴一雙

鐘山養疴得雜感十二律借以遣悶

彭玉麟

臥疾鐘山雜感多一枝秃管儘消磨麒麟不產人間種
鯨鱷空興海上波白水盟成心自在黃梁夢醒味如何
先憂後樂南豐老安得偷閒共嘯歌

百年三萬六千日算來光景只須臾憂讒畏譏復何事
蟲臂鼠肝隨所如世局曾經變滄海功名幾見醒華胥
心頭亂緒夢難理纏繞無端發感吁

僧樓寂坐挹虛恬遣悶時拈有斷髯粉蝶空忙徒自瘦

石鐘山志

卷十六

詩錄

支

蜜蜂辛苦爲誰甜寶刀鋒盡鞭敲秃鐵硯磨穿筆退尖
惆悵西風無那甚一籬秋雨又廉纖

梵宮暮鼓又黃昏好借鐘聲定六根捐踵莫酬惟母德
塗肝難報是君恩生成我拙勤能補慣吃人虧性總
存退一步思心地闊天清雲淨月無痕

人要勤勞耐苦辛蠅營狗苟恥爲人安閒百歲老能健
和樂一家冬復春世事須防忙裏錯交情惟覺幼時親
男兒有志當堅定努力功名莫畏貧

子祿妻財有定因妄干名利是愚人
生來才拙惟安分

難合時宜爲率真 國計經謀須遠大官場治事壞因
循誰爲旋轉乾坤手霖雨蒼生運用神

蝸角蠅頭夢枉牽須知飲啄有前緣平安卽是居家福
尅薄難期後代賢人世儘能容險譎陰曹用不著威權
堪嗤多少栖栖者愈逞心機愈倒顛

箕風畢雨任縱橫世事何嘗得定評雲影從來多幻相
江聲慣作不平鳴人情冷暖無冬夏果報昭彰有重輕
試看老農鬚髻白渾忘榮辱樂躬耕

天傾西北今猶昔地陷東南古至今白雪詞高宜和寡

石鐘山志

卷十六 詩錄

九

青琴調古少知音臭錢能買生人膽劫火難灰妬婦心
安得天醫醫世病放開手段用參苓

妖狐慣借虎威狂那識機藏怒弩張休羨老漁看鵝蚌
須防黃雀捕螳螂今人福享前人德先代功留後代昌
凡事綢繆宜未雨補牢切莫待亡羊

同軌同文聚萬殊古今成敗竟何如看開宇宙無邊境
笑讀人間未見書事事回頭空幻蜃滔滔轉眼嘆其魚
憶曾狂縱談天口浪湧胥濤恨尚餘

富貴還求九轉丹妄思辟穀少加餐高山不若人心險

蜀道何如世路難
海闊靈鰲猶負重
天空老鶴儘盤桓
嘔予蒲柳餘衰質
暫借僧廬一枕安

芸芍齋石刻悼吟香館菱蘭七律二首

有序見里金石

彭玉麟

披榛采得出山林
別有仙根撰結深
春雨綠濃名土袖
秋煙素沁美人心
夫妻蕙纈瓊英佩
姊妹花抽玉蕊簪
我與幽蘭最相契
誰言空谷少知音

風雨無端摧蕙質
天涯芳草泣王孫
難忘鬻女幽思致
莫覓秋娘倩影痕
一曲素琴空寫怨
三湘碧月爲招魂

石鐘山志

卷十六

詩錄

三

國香零落園林冷
幸有梅花鐵骨存

觀山下晉殍慘目賦晉饑行

彭玉麟

皇心重愛民
行政務實惠
苗害憫飢黎
每饒貶不祭
徭役戒勿興
省斂蠲征稅
司徒十二政
舉爲備荒計
弭變冀回天
晉乃饑連歲
發帑不後時
轉漕期速濟
赤地亘千里
度支絀難繼
廩餼掌何人
忍心供餓隸
致使億兆繁一息行垂斃
人死葬人腹
聞之肺肝劇
君門雖萬里
鄭監圖可遞
下詔盡皇躬
如湯責六事
簡任職省方
檢劾懲貪吏
賑恤畀專司
勸分廣新例
恩膏不少屯

民漸有生意上行下必效
餼粟敦鄰誼功德矗浮屠

簿以五百人集一
浮屠名寶塔捐

遠邇爭檀施我亦捐
鶴糧人咸興豈

弟人生天地間胞與原同契
不解天地心既生胡忍棄

其故匪難謀念之生惻悻俗或極奢
淫獲罪豈能貫業

或荒嬉遊自取嗟蒙袂或地少綢繆
尚有未興利或政

多顛預尚有未除弊人事倘不修何以
籲上帝我思救

時策貴先謀委積耕三九有餘良法傳
王制

鮑華曇中丞撫晉會

奏請預籌積穀備荒現
在各省皆踵法施行

遺意逮常平因時興社義奉行
偶未善轉以爲民累饑饉苦薦臻徒灑
仁人淚何處無

石鐘山志

卷十六

詩錄

三

哀鴻願言警當世

泊蠡口遣興

彭玉麟

繫纜江干落木初模糊秋色
蓼花疎琴書半舫我攜鶴

風雨一蓑人釣魚世味竟逃
名利外宦情多在醉醒餘

養疴難覓當歸藥身逐烟波
俗漸除

墟烟一縷水之南幾疊遙山
起蔚藍周昉畫肥秋寫意

杜陵詩瘦興餘酣帆歸遠浦
鐘聲近雲掃長天鏡影涵

最愛斷峰當谷口月光東吐
日西銜

萬頃烟波客路長舟輕如葉
任相羊天低雲壓漂菰黑

樹老霜飛落葉黃一曲琵琶今古恨頻年旌節去來忙
將勤藉補淨生拙款乃中流嘆渺茫

豈覺封侯方秉鉞黃梁春夢醒多時隨緣粥鼓嘗僧味
循分齋鹽耐我思竟荷兼圻三命迫難容屢疏一言
欺何如乞得閒身退依舊宵眠喚趾離

蒲宿

彭玉麟

夜色望溟濛鏗光隔浦紅漁歌楊柳外人影菰蘆中鷗
夢愁難破雞籌唱未終前程何處泊遙指大江東

遠水平如鏡疎林挂半鉤月明橋渡影風定櫂眠秋菊

石鐘山志

卷十六

詩錄

三

釀何時熟萍踪到處留鄴侯知我甚事業繫扁舟

山居值驟雨

彭玉麟

黑雲蔽天垂暝昏迷白晝狂飈飛鷺沙落葉聚階厚條
聽萬瓦鳴一雨來何驟無端湧地泉沛然瀉簷溜震耳
聲霆威勢擬羣龍鬪力觸天柱搖裂縫崇朝漏須臾霽
色開蒼蒼勤補救晚景弄新晴淺深看遠岫

和彭雪琴宮保鐘山四咏

吳坤修

昭忠祠

福慧修成兩足尊千秋血食重君恩固應蘭芷多湘

楚難得賢豪盡黜賁山色蒼茫開罨畫潮聲上下咽精
魂我來憑弔江風勁落落晨星幾點存

浣香別墅

金粟紛披絕壁香生非仙骨漫升堂久從洗濯清心累
肯恃氤氳侈蹶張小坐誰家飛短笛耽吟幾度繞長廊
感君留飲多沈醉月影斜侵薜荔墻

聽濤眺雨之軒

數椽結構對江開無限詩情撲檻來倒捲銀河殊目眩
橫衝翠壁總心摧乘槎終訝迷雲海策杖時虞滑石苔
石鐘山志

卷十六

詩錄

重

俯仰浮生堪一笑百年幾覆掌中杯

芸芍齋

一亭斜抱小橋通繞出軒櫺抱好風階下翠雲晴欲雨
臺前豔雪色疑空添香烟喜凝眸白侍坐人憐暈頰紅
倘肯借爲棲隱地狂歌日唱大江東

次胡杏生遊石鐘山昭忠祠韻紀前事并答汪崇

議程希轅二丈

吳坤修

我生簸落出箕口謫戍湖濱城若斗晝夜旌旗鼓角中
放懷獨立山頭久石鐘一記仰蘇公大筆如椽千古空

磔磔松間棲鶻起雲中秀插雙芙蓉曾從老彭倚絕壁
石氣薰衣湛黛色盤身直入山腹中險峻不煩援引力
懸崖劃斷聳巉嶮咫尺直同萬里遙吹火星星獨幽竄
凌虛墮石垂虹橋膝行穿過怪穴裏罅漏涓涓滴泉水
蝙蝠如輪吸石髓淨雲洞邃未及爾奇處都疑入混茫
此遊恍惚到仙鄉前途黑暗不得去退步漸漸來白光
鐘山靈境實如許窾坎鏗鞳皆誕語精魂先我踞峯巔
春秋血食羅樽俎

過湖口

吳坤修

石鐘山志

卷十六

詩錄

五

山城俯仰見江湖刁斗餘音聽尚麤忠骨昔曾淨道濟
奇文今孰反髯蘇山形空如懸鐘與東坡所記頗異數椽屋幸當風立
一樹花憐背日枯前留綠萼梅於山寺今萎過客不堪重回首滿天
煙雨叫提壺

湖口檀江州墓

吳坤修

量沙夜夜聽傳籌誰遣江州尸倒流萬里長江都已壞
何須抔土問荒邱吳坤修同萬里益知火星星

次廉昉石鐘山原韻

吳坤修

媧皇餘石煉神鐘古色蒼蒼割太空籠罩千秋常作鎮

陶鎔萬物可爲銅深山徑轉風聲冷過客帆衝水氣濛
欲待題詩留絕壁擘窠久已讓銘功

病身莫怯上山難百尺樓中氣象寬羊角扶搖江水立
魚鱗層疊嶺雲盤穿皆徑滑神猶健淪茗泉清色亦寒
小坐尋僧作閒話此來應爲補遊觀

嗚咽臨風咏八哀十年幕府費掄材生輕矢石多奇氣
死占湖山亦霸才宿草無情理碧血寒花有信抱珠胎
時梅花將開幽靈坐享清閒福僕僕憐予數往來

登石鐘山同丁燕山鎮軍繆芷汀何丹臣兩觀察
石鐘山志 卷十六 詩錄 壹

流連竟日畢領其勝是夕燕山欵飲衙齋憶咸
豐己未秋七月從曾文正公移師過湖口燕山
以礮船送渡部曲彭雪琴宮保方領水軍宴諸
將李少荃相國楊厚庵宮保皆會亦一時盛事
也感懷成詠呈同遊諸公 張岳齡

全攬江湖是此間臺空樓閣幾齋攀長洲近隔東西水
孤嶂遙連大小山 上大孤下小孤與石鐘相鼎峙 鐵鎖沈波餘戰血金
樽對月老塵顏回思二十三年事擊楫中流共往還

萬頃湖光隱遠峯湖邊樓閣起重重輕舟破曉飛帆渡
未得閒心聽石鐘

游湖口石鐘山

張盛藻

我昔乘飈輪瞥若隙駒驟遙望湖口山石鐘未遑敏茲
來訪名勝巖壑得奇觀維舟彭蠡濱攀衣躡靈岫危磴
盤折上怪石森左右或如虎豹蹲或似瞿曇瘦各負磊
落落姿爭奇而競秀峭壁臨深潭奔流相激激下爲蛟龍
窟上爲風雲竇髯蘇曾於此夜聽石鐘吼文章洩靈秘
前人笑簡陋近代罹兵燹荒山狐兔走鄱湖扼吳楚險
要幾顛覆彭公麾戰艘奮戈殄羣寇功成不受爵清風
滿襟袖盤桓湖山間樓閣精營構一橋一亭處與石相
參究種梅數十株借石爲鑄鏤作廟祀忠魂名同山石
壽我愛坡仙樓開窗納宇宙臨崖聽濤聲有如聞鐘漏
徘徊不能去茲游何時又

石鐘山二首

熊光

坡老去千古我來追昔遊鐘聲長在水石氣最宜秋列
嶂包城遠飛蘿晷寺浮卻看彭蠡色一半劃江流

阻險標殊勝刊山稱勒銘

高伯足刺史心夔撰勒序銘文甚道雅

經營勞

哲匠圖畫役神丁樓閣丹青靜江湖白鳥醒謝公高臥

罷再起想儀型

謂 衛 易侍郎

昭忠祠

敕建祀楚軍水師之死者自營官 蕭節愍公以下若干人弁勇亦耐焉

一死鴻毛擲誰知重泰山蟠天分俎豆落日共鄉關殘

劫紅羊過奔濤白馬還作祠仍北向不必涕橫潏

紺園雜詠十六首

熊光

及文慈蔭閣

珠閣峙亭岩金繩界方礎六時風鈴音五色曼陀雨慈

蔭即春暉震旦普含煦

石鐘山志

卷十六

詩錄

七

浣香別墅

銀河坐洗兵更藉眾香浣雙藤一丈高入門張翠織何

必方蓬遊益然春意滿

聽濤眺雨之軒

江雨欲來時江濤鳴不已因知靜者心萬怪可驅使雨

止濤亦平青天作江底山融天衣散豆蔻日共際關

芸芍齋

蘇詩蘇公以芍藥名其人代製亦稱新 陳敷臨李軍水而心與事皆自當官

婪尾廣陵春三十一圖繪何如手植嘉蘭栗梢頭記十

日曲欄晴嬌紅照詩袂

世春籍江臨白鳥橋橋公高臥

且閒亭

小亭風月佳碧沼涵餘清宛彼芙蓉花裊露舒其英笑
酌荷筒杯舉世方營營

鎖江亭

全吞雲夢曾盡吸西江口下指水犀軍縱橫列屯守眉
宇刷青冥高寒逼星斗

放生池

剝石以爲池纖鱗無一具江湖勺水通渺爾含生趣落

日上濠梁單衣試微步

石鐘山志

卷十六 詩錄

天

梅塢

糝糊一塢雲高下數峯雪石門窈而深石磴縵以折寒
香萬斛盈盞洗肝腸熟

六十本梅花寄舫

不乘太乙蓮不泛海客槎寄茲元氣舟玉綴珠橫斜老
鶴警空山叩門者誰耶

臥雪吟香之館

廣平鐵石心愛傍梅花住東風如解人吹香上詩句乘

月夢羅浮翠羽啾嘈去

紫雲廊與頻巖

輪囷一片石飛來若紫雲巡廊偶延伫矯首雲中君
茶響憂風篁客至時一聞

綠陰深處

繚垣就三面拓地匙十弓數本碧芭蕉幾樹青梧桐
幽鳥不聞喧玉琴眠當中

蓮華歸去亭

亭壁畫大梅樹

出豈慕簪纓處非戀泉石平生出處閒只有梅花識

瑚拂釣竿更待長千尺

石鐘山志

卷十六 詩錄

无

飛捷樓

樓成聞金陵捷音

有樓何翼然百尺雲霞倚遙想樓成時人天大歡喜十
載范希文後樂亦如此

不坡仙樓

翁潭溪先生書蘇公石鐘山記石刻陷壁間

峭雋北平書倣璋東坡記不若樓最奇直下俯無地足
底石鐘鳴噌吰宕搖曳

江天一覽亭

江天橫古今洞視儼且暮吳楚廓風煙帆檣競如鷺誰
把青蓮花上與飛僊遇

摸魚子詞

八月十八日始為湖口石鐘山之游與嬾雲上人及舍弟鏡漪暨珍瑩兩兒偕往自裴家湖登

舟出大江行十餘里掠新生洲而東倚篷騁望清暉娛人而城雉樓翬已闐然在目遂拈此解

賦

買輕舸邀僧共載踐遊今度才果一雙快槳秋江上翦

得玻璃天破茶具妥有多少閒鷗早占蘋花坐秋容嫋

妮看山抹漁罾樹藏蟹舍空處落雲朵星年時事鐵艦

飛騰礮火驚濤曾被關鑊盡沙劫後魚龍靜辛苦功成

堪賀遊客過只解向紅亭碧館相巡邏誰吟楚些待喚

石鐘山志 卷十六 詩錄 三

取坡仙雙鐘試聽月上蠡湖左

蠡泊鐘山

茫茫今古浪聲催歷歷帆檣去復回萬里江湖終會合

兩山吳楚逕分開當年控制資雄畧此地登臨更異才

今日我來成獨望滿胸雲水盪塵埃

烽餘愁望強開顏春盡江湖慘澹間烟火漸生聞鵲喜

風波纔定覺鷗閒陸沈變谷東西岸孤注成峯大小山

拚擲此身如柳絮隨風吹去復吹還

題鐘山飛捷樓贈湘鄉節相 馮詢

手安坤軸贊 乾符一代功成將相俱賊讖軍中范老
子人思江左管夷吾十年報主孤忠憤百戰封侯萬
骨枯久別竊詢公左右憂勞顏色似前無
天顏有喜看屏風次第酬庸畫筆工伯仲卽今見伊
呂兼謂公弟大中丞使君誰與共英雄周家甲子干戈定吳會
東南節鉞崇門下飛騰經幾輩愛才安得盡如公

萬方觀檄憤從戎忠義公先挫賊鋒車騎自呈天上駟
樓船今見水中龍一身半壁東南障五嶺三年遠近烽
想見默爾宵旰意屢傳溫諭獎軍庸

石鐘山志

卷十六

詩錄

三

不須重問海昏侯仙佛英雄總一坵花柳得時還作態
江山無恙轉供愁殘碑入土千秋在折戟沉沙百戰休
獨喜將軍椽筆健迴瀾功鉅挽江流車轔自呈天土

過彭蠡

宋鳴珂

啼聲徹夜烏朝日渡重湖水濶千村失風高一事無小
舟閒賣酒老馬畧知途燈火人家近權收十幅蒲

舟過石鐘

贈燕山軍門七律二首賀壽慈

扼流峯勢自崢嶸二十年前幾戰爭玉壘久銷戈劍色
石鐘不雜鼓鼙聲雪山輕重隨旌節煙閣恩榮紀姓

名圖碣方碑齊建立燕然銘勒手書成

謂彭雪所製

名區重整手扶持疊石栽花帳下兒邱壑指揮饒將畧

樓臺環峙肅軍儀閒身裘帶登臨日回首風雲叱咤時

欲訪山靈商歎詠從前親見捷書馳

就養南昌郡署適雪琴宮保巡閱長江兼往吳

淞籌議海防停舟石鐘過訪因贈二律

三傳賦賦神機神機賦會登大猷賦五誓賀壽慈土重

憶識荊州笑語親朝

天蹇踏輒紅塵愧辭簪紱爲閒客又向江湖見偉人飛

石鐘山志

卷十六

詩錄

三

鷓幾巡新壁壘屠鯨猶韞舊精神石鐘山畔摩巖句戎

馬書生百戰身

君有小印自號戎馬書生

三朝知遇軼蕭韓劍佩曾登大將壇江海澄清能任重

乾坤擔荷莫辭難韜龍豹憑收發浪跋蛟鼉尚屈盤

柱石如君半出處運籌宜使琴宮外然閱長武兼掛吳

國憂寬

舟經湖口登石鐘山帶登瀛日回首洪靈鈞

全湖北注江勢若蛇赴壑兩山峙東西如戶有鎖鑰少

讀髯蘇文石鐘辨乃博勝境久神遊天緣值舟泊呼渡

掉舴艋道塗過城郭捫壁陟危磴流丹仰飛閣茲山以
石勝皴透竅疑鑿不聞噌吰聲惜哉水尚涸庭階拳石
供布置亦不惡住持老僧健導我恣探索禩樹連逶迤
廣軒接寥廓祠宇何輝煌爲祀國殤作

穆皇中興年羣醜誰剗削從戎楚材多報國軀命薄俎
豆馨山椒胼蠻庶有托長留忠義氣山靈慰寂寞我來
喜時晏解衣坐磅礴日落江湖空心胷一開拓

石鐘山拜梅歌

洪鈞

生不作令項乃強偃蹇抗俗立不僵獨遇梅花便心折

石鐘山志

卷十六

詩錄

三

稽首再拜羅浮香衡州侍郎髯如戟殺賊滿江江水赤
辭官苦避節鉞榮勝遊雅負溪山癖韜鈴餘事怡丹青
替梅寫照盾墨馨三軍肅立貔虎隊一紙飛出虬龍形
昔年輅車入楚北聞公行麾江上息荊州欲識嗟無緣
思從翰墨窺顏色三肅介紹前致詞果然尺幅生綃遺
怒筆拗蟠鐵石榦空堂獨立冰雪姿今年潯陽復馳傳
此地聞經公百戰共識英雄功業高誰知文采風流擅
公畫久奉行篋珍對畫如見花精神若論高節可蓋世
梅花轉爲人寫真傾倒癘梅每展拜况逢斯人作斯畫

幾生修得到梅花一瓣心香續詩話

果昇權局受代偶游石鐘山卽景抒懷八首

大興詩文類選卷之四空山鐘磬感入題下五 駱敏修真鼎

憶探瀑布訪廬峰轉石磑崖萬壑鐘何事神工施斧鑿

特教古洞奏笙鏞直攀絕頂驚棲鶴長嘯空潭醒老龍

難得旌旗天上至仙舟歲歲候林宗

誰令僻縣變神州山色湖光抱堞樓小叩不鳴休問石

危機偶動卽驚鷗風波欲渡公無渡慷慨言愁我亦愁

秋菊春蘭自終古故鄉芳杜老汀洲

石鐘山志 卷十六 詩錄 三

崇祠屹立鎮驚湍浩氣乾坤此結蟠戰伐息餘荒壘在

英雄淘盡浪聲寒樓船異日思王濬絲竹清時有謝安

自擷溪毛歌楚些國殤一曲意漫漫

扁舟絕壁放謠行萬頃冰壺洗眼明江浣晚霞分瑟瑟

洞吞駭浪激錚錚樓臺倒景開金地花木浮空矗碧城

水石無心成節奏漫疑故作不平鳴

未製荷衣賦遂初空山猿鶴怨人疎才迂難入循良傳

課最誰工平準書俗吏風塵走牛馬重關鎖鑰算舟車

幸消半日清閒福免較鐮鉢伴史胥

漫將肥瘦較狂癡小隱何如拙宦宜寵辱不驚誰上致
參苓盡卻得中醫持籌未識金銀氣食肉原無虎豹姿
肯博山靈笑塵俗卸肩底用候瓜期

壯不如人老可知登場傀儡任牽絲朝三暮四狙公智
北斗南箕貝錦詩蕉鹿忽醒塵世夢蘊蘊早動故鄉思
白衣蒼狗紛紛是百感茫茫付酒卮

半載飄零類轉蓬豈真磨蝎守身宮奪牛無乃欺田父
失馬由來等塞翁不信憑陵有狐鼠何妨得失任雞虫
倚闌高唱江東去誰識瀛洲有路通

石鐘山志

卷十六

詩錄

三

游石鐘山

汪世澤

山勢不可遏突出大江邊石壁百丈據江立上有樓閣
飛空懸外觀形局但恢廓乃知中藏多曲折初循山腳
盤紆來未到山腰筋力頽小亭暫憇定吁喘再四始克
登高臺神祠巍巍擁雲霧云是享祀忠魂處當年碧血
染黃沙今日青燐沾白露樹色陰森凝遠愁江聲洶湧
瀉餘怒俯仰憑弔徒傷懷徘徊流連漫回步撲鼻一陣

聞天香

時寺中桂
花盛開

山僧迎客開禪堂告我此中勝跡夥

引入到處清興長小坐寄舫想高隱

彭雪芹宮
保寓居處

旋攀危

樓窺大荒細逕纔通露廣厦懸崖已斷交迴廊左開菊
圃右桐樹高構竹軒低藥房上池下池水瀾瀾前嶺後
嶺煙蒼蒼忽逼仄從仙洞出忽宏壯與佛殿當忽隨猿
下飲溪澗忽學蟻旋升石梁忽臨陡壁毛髮豎下視九
派青茫茫忽坐幽窗肌骨冷颯爽晝欲添衣裳四望但
見翠鬣靄一年不斷花芬芳流賞半日意未盡終乃引
我摩薛牆東坡先生碑記古早年熟讀鑄心腸飄然別
僧下山去遠樹蒙密拖斜陽歸舟漾漾數回首舟人僅
行出深柳恨不泛舟月夜游靜候天風起湖口軒然水
石鐘山志

卷十六 詩錄

美

上發大聲噌吰一聽蒲牢吼

鐘聲天風鼓湖口鐘然水

予游石鐘山湖口張希齋大令聞而尋予於僧寺

遂同游焉歸邀飲衙齋作詩留別

吳聲登堂一平不謂林林竟無當半日意汪世澤

清興天外生一筇訪山去徘徊空翠間悠悠淡百慮故
人來相尋雲深忽知處一笑攜手行登高頻四顧水歌

三楚船煙影九江樹延賞歸自遲殷留卻難遽遂辭孤

鶴巢來謁李鷹暑痛飲豪不休狂言笑相助如此好湖

山管領防我妒

登石鐘山訪東坡手蹟

熊爲霖

孤城峭立老江心，削起稜稜玉筍林。如許風濤搏大氣，憑空天地轉元音。幾層閣倚懸崖斗，一綫崑窺積雪陰。欲學蘇仙能好事，橫鐫石壁薜花深。

壬申冬日隨觀察許公

星臺

郡伯達公

敬修

明府

梁君

燕林

憇石鐘山適鎮軍丁公

燕山

明府

張

希齋

連日聚飲亦盛會也，更闌人醉始聞水石

噲，吟繼而風雨大作，有排山倒海如金戈鐵馬

之聲，夜不成寐，賦呈二律

陳 鼐

石鐘山志

卷十六

詩錄

三

百折迴廊繞石門，鐘聲鏜鞳動黃昏。蘇髯偏解山靈意，楚些難招戰士魂。此日豐臺酬宴樂，當年一柱定乾坤。追陪謝傅遊山屐，雲氣拚同酒氣吞。
劫過羣峯知向背，醉酣吟興復縱橫。波濤倒瀉樓臺影，風雨如聞戰鬪聲。江上餘皇雄坐鎮，山中宰相卜歸程。回頭擬向匡廬臥，薄宦庸庸愧此生。

同治癸酉將之龍泉，任不登石鐘，近十年矣，聞修

建日盛賦此誌感

程朴生

噲，鏜鞳水聲，首坡老當年記夜遊勝蹟，前賢都寫盡。

敢將殘墨贅如瘤
効力精臺倥偬中
漫隨驥尾贊元戎
湖山靦面曾相識
誰踵文成更紀功
點綴生新結構宜
名臣瑣事見心思
閒情聊託東山趣
一局棋枰一卷詩
凭闌遠眺豁雙眸
萬頃湖光一覽收
清福幾人消受得
知公後樂在先憂

游石鐘山步家梅龕茂才韻

時於壬午夏省
家大人於樞局

駱初訓

石鐘山志

卷十六

詩錄

美

中天臺上作人宮
御風欲往途無從
十年塵土眯人目
異境忽躡游仙踪
石鐘峯嶽鎮蠡口
勢與匡阜爭容崧
誰割蓬萊左股置
江畔屹立欲障江
潮東我疑漏天忽
落女媧石百鍊出
自洪鑪中不然皇
帝張廣樂罡風吹
墮飛編鐘人間何
從得此境爭奇鬪
巧矜天公天生豪
傑補天缺神施鬼
設天無功華巖樓
閣彈指現芥子能
使須彌容口吸西
江洗塊壘邱壑磊
砢蟠心胸崇祠突
兀慰英魄醴香上
接華雲濃桂旗蘭
楫渺何許直以清
境娛幽忠平生放
浪狎山水到此懍
然生敬恭試登絕

頂望鄉國

蘇句

衡雲楚雨橫遙空乾坤無恙息戰伐戈

船彷彿旌旗紅茲山幸未墮劫火韜甲已掛扶桑弓童

然一阜耀金碧勒銘巨字蒼苔封坐間天籟發寥泚漫

叩頑石尋荒叢一重一掩幻而曲上剡月窟開鴻濛梅

花好句心鐵石功業正復肩姚崇卻笑老蘇扁舟僅泊

絕壁下徒將百金買玲瓏何如江湖滿地賚坐鎮四鎮

分握巖關重手持太阿剗海島鯨波偃伏無傳烽胸中

甲兵眼中畫能消清福惟英雄

用六十本梅花奇舫聯語意

我亦紛

紛輕餘子低首惟有人中龍斯游已如覽八陣出奇制

石鐘山志

卷十六

詩錄

三

勝思無窮何當濯足凌萬里試破巨浪乘長風

游石鐘作

蘇句駱宗昌

我所思者方壺員嶠仙人宮銀濤滅沒弱水三萬吾安
從又聞越中山陰道上富山水塵勞役役羈遊踪蒯緱
一劍近客蠡湖口追尋城北登隆嵒西江鎖鑰此重鎮
軒騫屹立匡廬東茲山本靈異百竅空其中水石搏擊
大風起忽然鏜鞳鳴鴻鐘何人解此留勝賞昔有蘇公
今彭公蘇公作記壽山嶽彭公討賊恢戎功紺園周匝
含萬狀遠瞻近矚殊從容水光山色抱城郭凭欄一碧

澆心胷帆檣上下帶飛鳥漁樵聲入炊煙濃神絃禪板
互相答發人深省聞根通凜凜生氣卽解脫崇祠俎豆
褻全忠其旁聽濤眺雨妙結構籐陰曩歷江天空芸芍
齋前春雨紅且閒亭畔地如弓環池草長紛鬱蒼恍疑
進步懸巖封晝然石壁漏一罅雲根穿入梅花叢綠陰
深處磴盤曲竹影蕉影霏濛濛萬家生佛好居處山頭
駕舫高以崇寥天心曠臥香雪開軒八面森玲瓏別尋
一徑入寒碧山深一重樓一重層檐綽楔署飛捷蕩掃
四海狼煙烽長河洗盡山無恙消閒扼要勞英雄中流

石鐘山志

卷十六

詩錄

早

砥柱浩奇氣苦心誰識陳元龍書生延攬愜素抱徘徊
不去到此思無窮何時攜酒值良夕快邀明月乘清風
撫琴動操直令四山響泠泠花雨日送雙飛鴻

庚申勦賊退解城圍登眺石鐘有感

兩山屹立柳圍營憶否前番苦戰爭鎖鑰北門當重寄

烽烟半壁贖孤城同仇共結魚鰕侶

時援師未至

克敵先驅

草木兵更倚忠魂扶

國計豈真赤手倖功成

狂瀾欲倒挽應遲極目滔滔勢可危石畔英雄空擊楫

山頭魑魅怒張旂明太祖游山故事登臨竟踐重來約太息曾

經百戰時鶻未歸棲鯨尚吼且收餘燼護殘詩百餘

秋氣蕭森雁影寒獨攜樽酒度層巒雲封窾洞靈奇境

薜剔豐碑復大觀勝地自多名士賞好山未許敵人殘

休將天塹仍貽寇再奪崑崙百倍難千古

砥柱中流發浩歌有人重奠舊山河前次克復湖口此

調度之力勢吞蠡口今何在賊勢從此衰矣血瀑巖腰古不磨甲馬

箭雲悲陣隴江豚泗水凜風波金陵尚待收奇績遠眺

石鐘山志 卷十六 詩錄 望

蒼烟恨轉多五 喜誌克復金陵大捷題石鐘壁氣 丁義方

百戰奏功成書生善用兵經綸紓智勇鍾毓萃精英

聖澤承楓陞軍威肅柳營圖形麟閣上千古仰芳名

驕陽登眺石鐘步壁間原韻誌感貴 山田明山人

高歌逸韻警晨鐘妙句籠紗得箇中豪邁已除湖海氣

清新猶有漢唐風心香靜結三生石筋力磨成百鍊銅

我亦此間覓詩料自慚異曲不同工趙重來 太息曾

昔時爭戰氣桓桓犇逐江濤膽量寬骨傲尚存儒士節

頭銜謬列典軍官
山自蒼蒼水自滄
斷嶽千秋恣不銷
聖朝拔擢恩無已
宦海浮沈計且安
差幸此身留劫後
莫教長夜嘆漫漫

自笑樗庸匪異材
萬牛迴首不勝哀
微軀尚許蒙寬格
聖主何嘗棄不才
風捲江濤懷自壯
晴收烟嶂眼常開

記會帆挂雷江晚
去歲重九由岳陽調署雷江
舟駛狂飈頃刻來

石鐘幾度躡凌烟
晉謁龍門幸曲全
彭宮保鐘山駐節謝聆訓誨恩感裁

補過每愁行不逮
報恩差信志猶堅
英雄浩氣騰天

上山有昭大士慈雲覆水邊
山有慈今喜承平歌海宴

石鐘山志
卷十六
詩錄
星

何勞猛着祖生鞭
俄生變局議從新
決勝臨機大有人
謂曾元圖宮保萬里看持

蘇武節謂曾劫剛奠侯廿年難乞鄴侯身
謂彭宮保籌邊智畧終柔

遠謀國經權在認
真天為我朝留柱石
驚波駭浪

獨橫陳宮保又奉諭駐焦山每月至吳淞口校閱各省兵輪船

我輩同心期報國
民間憂樂共相關
心多杞慮天誰

補頭點生公石不
頑懷勵澄清盟白
水身因慵懶契青

山高瞻遠矚紆長
策一曲長歌奏凱
還

登峯俯瞰一江清
山自蒼蒼水自滄
酒縱千杯愁不解

劍懸三尺恨難平羊頭况味人猶戀蝸角功名我豈爭
回首潯陽洲畔舫西風蘆荻送秋聲

從茲回憶出山初耐得憑人牛馬呼辛苦生涯都領畧
酸鹹世味總分殊厠竽未可歌彈缺擊壤何妨醉舞衢
望到匡廬青對面可曾爲我送來無

鐘山昭忠祠望月感懷集句

高樓獨上思依依皇甫冉桂魄初生秋露微王維歸夢

不知湖水闊戎昱捲簾惟見白雲飛蘇軾星沉海底當

窗見李商隱月暗山城夜漏稀許渾此地從來可乘興

石鐘山志 卷十六 詩錄 星

高適 輕羅已薄未更衣王維

月臨秋水雁空驚盧綸偶作閒身上古城薛能少壯光

陰能幾許徐鉉當年瞻畧已縱橫張籍愁看地色連空

色司空圖未必人情知物情白居易我轉官階常自愧

白居易 多慚名在魯諸生司空曙

偕友登石鐘山頂題壁

嗟峨石磴聳危梯扶手天風兩袖齊絕壑瀑分雙嶺秀

遠山雲壓四圍低凌霄得勢鵬思奮陟險尋聲鶻未棲

我獨狂吟臨絕頂綠苔筆掃漫留題

奇境天生在此間，古人以鐘名。是山蘇髯審聲陋，李渤

記留千古仍空談。余疑未釋十餘載，亦聞巨浪鳴深潭。

不知奇境在何許，枉勞夢想緣何慳。初歎雲封巖谷隱，

倏聞春漲洞門關。洞內有桃花春漲洞門關之句今乘小艇絕壁下，蘿

攀曲逕窈幽探。洞闢桃源引漁父，別有天地非人間。用

且前且却入復入，高低逐勢行彎環。青天一綫罅微露，

奇花異草殊塵顏。好境難逢詫奇遇，更奇石腹胎崑巖。

山內有一小山甚幽僻登峯再進忽疑夜，秉燭照我登佛龕。內有丹房

石鐘山志

卷十六

詩錄

器

兩何人鍊丹成，九轉一汞入口骨。換凡神仙不死棺，何

用內有石棺鑲懸丹房石隙一棺不蓋眠誰酣。太虛之虛憬真諦，良

止而覆禪微參于焉。合掌同和南蒲牢，有韻輕韶咸以

聲論鐘。豈無見以形論鐘，今始諳斯形。豈從有鳧鑄造

化鑪冶空仙，寔儼同箕簣。辟離列置形，不願徒躋攀。敢

向長公翻鐵案，昔人何陋今何頑。大聲澎湃催人返，明

月一輪相送還。結余異未解十餘年未開耳氣漸深

石鐘山留咏呈麓樵夫子

蔡嶽

性情違俗強難同，骨傲凌寒歲已終。城內有山皆鍊石

乘風泛蠡湖抵石鐘中流放歌

胡傳釗

頗風助勢掀濤聲繫舟不住舟人驚我快乘風催曉發
一帆順遇鴻毛輕如梭迅擲瓴高傾弩弦脫箭棋翻枰
峻坂絕繮馳怒馬寒林落果忙飛隄人亦鼓勇相鬪捷
鼙鼓千軍得意鳴河伯効靈導前路六鼇穩駕行舟行
恍聽鈞天奏仙樂五老騎鹿來相迎大姑小姑或左右
高蟠螺髻何輕盈我方應接目不暇又聞水上音鏗鉤
人言石鐘久歇響毋乃有激鳴不平置之不論和長嘯
轉瞬一葉瀕山城四顧蕭然復何樂笑子行役勞浮生
石鐘山志

卷十六

詩錄

吳

浮生到處都如夢惟有湖山恰我情樂哉斯遊亦奇遇
非名非利人何爭
彙錄蠡口雜咏
胡傳釗

遊宦頻年興已闌忽教浪跡寄湖千道元經注聞須證
靖節琴弦撫欲彈半世浮雲隨聚散一林黃葉剩凋殘
風號絕壑聲如怒憤守寒盟息羽翰
城如斗大漫羈栖石壘堂堦步躡梯一水綠將山郭繞
萬松青與屋檐齊泥留何處尋鴻爪境逐新交擘蟹膾
且共盤桓聊卒歲甕開醴醪泛玻瓈

訟庭無事掩重門
眠起隨宜度曉昏
幾處戍樓高過嶺
一城民舍小於村
署圍山色塵囂遠
鎮制江防節鉞尊
更見旌旗楊柳外
礮臺新矗有營屯

怒濤鯨吼嘯孤忠
想見江流戰血紅
靈聚國殤騰浩氣

痛聯臣節仰英風
先父先伯皆陣殞
尚多感憤狂瀾後
不盡低

徊落照中舟楫濟川
今有賴我來傾耳
聽談功

地經殘劫嘆荒涼
陳跡堪尋未可忘
梁國亭留真事業

長公碑刻大文章
才人自古終遭忌
賤子何心敢縱狂

知已不逢來已暮
劇憐孤影對斜陽

石鐘山志
卷十六
詩錄
望

更上峯巖瘦倚筇
偶逢佳境豁心胸
鎖江天寄萊公鑰

聽石誰撞獻子鐘
廬阜出雲乘化鶴
蠡濤翻雪舞游龍

折梅欲寄家千里
驛使遲來歲已冬

漫空雲捲淨寒潭
獨立蒼烟遠思含
水落旋渦迴客艇

酒香村店卸估帆
排天雁陣分離合
隔岸人家見兩三

遙羨夕陽紅樹裏
老農無事坐閒談

欲借煙霞洗俗顏
可容卓錫占名山
宦闌琴鶴忙思懶

佛笑鐘魚寂似閒
佳日已隨流水去
好風須送白雲還

一聲清嘯渺何處
身在蒼松翠竹間

點綴樓臺處處新幾經殘劫出風塵相逢嘯咏多儒將
難得英雄是主人

謂雪琴言保

疑假疑真空雅俗

古詠石鐘有真山當

作假山看之句一邱一壑見精神暇時便蠟游山屐更擬抽簪
寄此身

不圖鵬奮便魚潛進退偏容吏隱兼嘯傲烟霞真有癖
較量山水太傷廉樂天謫佐吟懷減元亮居官酒律嚴
無可奈何人欲倦日來時覺客愁添

幕天席地本蘧廬底事游踪駐蠡湖入境客心愁泛宅
還鄉家口尚僑居

舊居自遭兵燹一椽無託

渾忘失馬安身命徧覩

石鐘山志

卷十六

詩錄

巽

哀鴻愧俸糈計拙謀生終有獲望兒肯播飽經畚

一葉身輕詎久留不能諧俗漫沈浮儘多風月憑誰管

大好湖山任我遊暮日人烟迷橘柚故鄉情景戀松楸

挹清亭上高風在何事隨波混濁流

雪琴宮保戊寅仲夏養疴鐘山召

僕

偕丁燕山軍

門何丹臣觀察陪鮑華曇中丞飲敘六十本梅

花寄舫

胡傳釗

勝地遠塵寰欲遊與多輟城市隱山林不俗羈心悅朔
風吹我來冷嚼梅花雪數月理簿書小與山靈別忽覩

烟嵐開登山迎使節趨召陪賓筵感賴祛溽熱入座凜
霜嚴寒威生面鐵階下竹迎涼瓶中花噴苑列坐聆清
談冷然霏玉屑序爵廁豪讌肴旨無多列澹味沁心脾
酒酌冰甌潔觴政肅軍律可醉不可襄行樂寓節制志
非圖鋪吸動靜貴不苟願言奉圭臬所以主與賓世咸
推稷契餘子亦磊落氣概爭雄傑獨我愧素餐腰瘦不
堪折山水適性情苦爲塵網緲對此好烟霞知爲何人
設退省不能退

宮保自署
退省散人

雲泥分宦轍狂歌擊唾壺聲

爲江濤咽

石鐘山志

卷十六 詩錄

吳

鐘山拜梅歌

胡傳釗

欲雨不雨雲陰過北窗一枕人高臥清風入牖桃笙涼
朗然冰雪光騰座起看滿幅贈梅花不覺墨香疑萼破
撐天一柱清塵氛品占百花人一個人與梅花總一般
能耐天寒經折挫鍊成鐵榦鎮乾坤頻年傾耳芳聲播
修到何時結古歡綠生萍梗鳧慚化瓊筵坐我試調羹
物望愈隆謙愈下初承盛獎孽藤牋更貽妙墨芬蘭麝
着手心回天地春強項形偏今古亞毫端珠玉紙雲烟
綠陰日午棋初罷官閣吟情媿等閒品題十倍增聲價

披圖百拜健精神
耀眼睛光炎藻夏

石鐘山各景分咏十四首

坡仙樓

胡傳釗

斯樓何崔巍
元氣所疑結
一記闢千秋
精華長不滅
前代數人物
公獨稱雄傑
青雲附石工
立朝表冰雪
勳業耀古今
文章猶末節
何須五鳳修
與人爭巧拙
功名自不朽
攷論誠何屑
勝蹟以人傳
登樓歎超絕

鍾進士樓

辛

石鐘山志

卷十六

詩錄

辛

傳尤新奇
竟作開元事
茲樓屬斯人
顧名誠足異
或疑世俗間
門戶矜科第
進士好頭銜
山靈藉依勢
而吾謂不然
舉目多魑魅
賴執手中椎
鎮攝不容崇
所由登斯樓
眺遠有深意

飛捷樓

辛

天上下兵符
山中鳴戰鼓
登樓望烽火
太息征人苦
傾

耳聽捷音忽
覩書馳羽大
劫挽乾坤

克復金陵

湖山歸舊主

磨盾草露布
雙翼雲霞舉
樓以飛捷名
奇勳昭萬古

鐘天

辛

媯皇曾鍊石補天覆寰宇此處有罅天誰操混沌斧傾
危一手扶結構一心主面目還太虛缺憾留盤古我來
試管窺大塊完如許何計巧彌縫問天天不語此間別
有天良工費心苦袞職本無闕留闕何人補

鎖江亭

江底千尋鐵爭雄昔鎖流關闔挽乾坤江防資運籌寄
鑰據形勢烽煙半壁收一亭屹然立湖波萬頃秋江豚
縱狂拜當關鏃舳談笑一樽酒招攜同唱酬誰謂寇
萊公英名祇獨留

石鐘山志

卷十六 詩錄

至

且閒亭

天心塵百戰奪轉舊湖山功成身競退而公獨且閒養
志臥林壑病起投時艱坐對好風月夷然俯仰間悠悠
衡嶽雲出岫何時還領畧閒中味近天飛白鷗

慈蔭閣

古有白雲亭狄公瞻岷處今有慈蔭閣思親據遠慕雲
從嶽岫來蒼生仰霖澍密蔭徧寰區桑榆景將暮悠悠
一片心眷焉乘喜懼乃開功德場培植菩提樹法像現
優曇

相傳倒石巖
中現觀音像

垂天停鶴馭願留南海陰永作北堂

護游子意日長徘徊不能去

芸芍齋

種梅更芸芍同出調羹手學稼問花農鴉鋤攜雨後緯
約殿餘春興酣婪尾酒侍宴媚當堦瑞徵廣陵守譜獨
遺羣芳嘆賞凭闌久珍此玉盤孟佛前祈母壽左有慈
蔭閣彭
宮保建為太夫人祔釐將離切瘋憂縈心親左右簿書半日閒對
花懷白首何日賦歸耕栽培藥盈畝

大地捲狂瀾一江資保障顧此風波平慰彼雲霓望鐘

石鐘山志

卷十六

詩錄

垂

聞得意鳴霖禱知時貺無事厥軒樞天淵隨跌宕耳目
寓形聲動靜殊情狀關心白浪高翹首青雲上廊廟兼
江湖憂樂山中相賞識出天然樂舞咸詔讓

夫人梅塢

梅生不易修况與梅知己為問河陽春千萬紛紅紫何
處種梅花清芬揚百里我亦種花忙鋤月經彈指來訪
塢中梅參天竟如此倚玉冷侵肌嚼雪香噙齒花好莫
輕折主人所欣喜愛惜一枝芳直與召棠比

六十本梅花寄舫

梅花六十樹樹標風格如乘大願船來遊眾香國戰
艦大江橫繫舟花塢側鐵榦直撐天木壺濯芳魄信有
和羹才能籌濟川策閒時坐賞花梅老尤奇特能回天
地心獨壯山河色笑數花甲周青雀招仙客宦海凜風
濤惆悵洪崖隔

小羅浮

蝶夢醒華胥放眼乾坤小十大洞天中羅浮著塵表難
得此山中羅浮分一島不見葛仙翁坡仙跡堪討人生
貴適意境遇隨緣好林下有奇逢可共烟霞老境窄心

石鐘山志

卷十六 詩錄

五

自寬縱覽瀛壺渺

絲陰深處

紅日不到地樹陰深幾重新絲合四圍結廬在其中地
逾絕塵俗旁無曲徑通故人期不至開牖來清風軒冕
臥松雲此境伊誰同

歸去亭

一鳥衝雲霄倦飛投故林有人樂歸去芳躅留斯亭落
落懸孤影茫茫幾夕陰佳話印鴻跡高風契古今緬懷
靖節公來撫無絃琴理縣不多日山水傳清音我躬苦

塵俗自愧非同心嘯然思故鄉坐茲聊醉吟

登江山一覽亭感賦

浪嚙雲根怒吼鯨勢摧羣嶂激難平孤懸礫柯身何倚
獨立蒼茫望若驚本是眞山疑作假豈能濁水混爲清
江流不盡英雄淚亂撞雙鐘有恨聲

春游閒眺

槿紅萍綠屆春三攜榼閒亭聽鳥談石激鐘聲分上下
水涵山色背東南城孤昔屢經戎馬土瘠今還勸稼蠶
異地鴻嗷方待撫時正籌賑
山西飢民應時風雨望和甘

石鐘山志

卷十六

詩錄

番

新漲桃花水一篙春陰寂寂最無聊霧籠薄曉愁難破
寒勒東風醉欲塵百戰湖山供畫本一龕花雨落詩瓢
暝烟如墨天低樹咫尺樓臺隔路遙

石鐘送宮保啟節巡視江海

胡傳鈞

波平如鏡斂江豚襟帶之間屬望尊一舸中流迴砥柱
滿湖秋色弄琴樽茫茫烟水彰清節處處雲山戀
主恩公爾忘私賦後對琴劍對職平及縣縣而負向公
天有鑒特邀

綸綉下重闈

公此次力疾出巡奉
上諭有公爾忘私語

茲贈綉帽

去來江上送行旌歸臥閒齋數客程千里關河絲別意
一秋風雨寫離聲識公勝遂封侯願知己無殊鞠我情
轉恨不如檣立燕隨舟相送話生平

山居偶咏

胡傳釗

舉世爭趨媚伊誰古道存曠懷通吏隱遺澤守清門召
謗知違俗逃名恐背恩所期能不負珍重此心捫

蠡口經遊棹鐘聲約再聽前緣今竟續幻夢幾曾醒味
自甘冰蘖蹤還任浪萍令人牽別緒歸路暮山青

亭角嵌林缺秋宵接綠陰主人靜無事坐此滌塵襟涼

石鐘山志

卷十六

詩錄

聖

月獨來去星河空淺深故鄉新有夢巢穩羨歸禽
今古幾回劫滄桑轉眼頻新涼招樹影餘恨望邊塵詩
酒遙知已湖山待替人一聲嘯歸去任我率天真
鮑華曇中丞消夏鐘山惠題拙集次韻呈謝

胡傳釗

鐘鼎聲華柱石身偶從遊咏見精神芬流翰墨情緣合
勝攬湖山事業真此日詞臣都後輩一朝良輔屬斯人
獲隨杖履身何幸願荷提撕出俗塵

石鐘聞響空今古得遂生平此度來青嶂臥雲遊侶聚

綠陰消夏醉顏開
劇談傾座抒忠悃
真後陪坐紫雲廊聽談往事
乘

興摩崖仰大才
獻璞自慚非卞玉
感叨嘉惠寶瓊瑰

奉鮑中丞招赴石鐘芸芍齋陪彭宮保飲讌

胡傳釗

城外江波城內山
山中有境絕塵寰
攜尊共領烟霞趣

得伴還輪歲月閒
寄舫遊踪浮客夢
節樓清讌異人間

無端雅集饒風味
獨我勞勞浣素顏

山居三首

胡傳釗

鐘巖眺雨

石鐘山志

卷十六 詩錄

姜

油然雲黑雨催詩
領畧詩情下筆遲
魚戲跳珠萍偶散

麗驚戛玉竹微欹
慣嘗野趣關清福
淨滌煩襟感退思

澤不應時心自懶
漫同葵轉向晴曦

齋宿禪院

借得一間僧榻眠
掃除煩惱逃枯禪
濤聲入枕廣長舌

月色映窗兜率天
錫杖停踪了行債
適道僧於此夕還山石鐘敲

夢清塵緣乃心告
虔會靈魄奔走詰
朝儻豆籩

山夜思親

菊傲凌霜景漸殘
衰年華髮鏡中看
養親志切還家早

壬午秋于役湖口住近石鐘山暇時輒與丁燕山軍門
登覽其上軍門談往事甚悉得備聞其力拔茲山之難
今日之亭閣參差以及夫一草一石皆當年喋血所爭
而來俛仰之間感慨係之矣軍門安不忘危思所以居
成功而勸來者因有是志之作蒐輯之任屬諸胡麓樵
巖伯麓樵數爲余言武功爲茲山所特重凡用兵緣起
本末未敢漏敘事雜言麗得毋爲山志體例之病乎余
曰不然體例其迹象耳神而明之是有真宰不敢立異
亦不必苟同雖文字之末而古今之世變存乎其間子

石鐘山志

卷十六

跋

一

復奚疑耶麓樵臆其言志成尾綴數語用以申明斯志
命意之所在抑以見胡君之苦心云爾武昌涂椿年跋

時

光緒癸未四月

余言近世爲茲山被劫軍門

師來湖山之間湖山給之矣軍門安不忘危思所以居
今日之亭閣參差以及夫一草一石皆當年喋血所爭

登覽其上軍門談往事甚悉得備聞其力拔茲山之難

壬午秋于役湖口住近石鐘山暇時輒與丁燕山軍門



